

সারাদেশ

পদ্মা-মেঘনায় নাব্যতাসংকট: ৫ বছরে ৮২৩ টন কমেছে ইলিশের উৎপাদন

প্রতিবেদক: প্রোব ডেস্ক

প্রকাশের তারিখ: সোমবার, ২৭ জুলাই ২০২৬, ০৯:৪৮ AM



পদ্মা ও মেঘনা নদীর তলদেশ ভরাট হয়ে অন্তত ৩০টি ডুবোচর জেগে ওঠায় শরীয়তপুর অঞ্চলে ইলিশের স্বাভাবিক বিচরণ পথ রুদ্ধ হয়ে গেছে। তীব্র নাব্যতা সংকট আর ক্রমবর্ধনশীল নদী দূষণের ফলে গত পাঁচ বছরে এই জেলায় রূপালী ইলিশের উৎপাদন কমেছে ৮২৩ মেট্রিক টন।

ইলিশের উৎপাদন ধসে পড়ায় চরম সংকটে পড়েছেন জেলার প্রায় ৩০ হাজার নিবন্ধিত জেলে। প্রতিদিন ভোরে ট্রলার নিয়ে নদীতে নেমেও খালি হাতে ফিরতে হচ্ছে তাদের। যে সামান্য পরিমাণ মাছ মিলছে, তা বিক্রি করে নৌকার জ্বালানি খরচ ও জেলের দৈনিক মজুরিও উঠছে না। ফলে ট্রলারমালিক ও জেলে পরিবারগুলোর মাঝে এখন চরম হতাশা বিরাজ করছে। অন্যদিকে, নদীতে নাব্যতাসংকটের কারণে বাণিজ্যিক নৌযান চলাচলেও দ্বিগুণ সময় ও অতিরিক্ত খরচ গুনতে হচ্ছে।

জেলা মৎস্য দপ্তরের তথ্য অনুযায়ী, শরীয়তপুর সীমানায় প্রায় ৮০ কিলোমিটার নদীপথের বিভিন্ন পয়েন্টে পলি জমে এসব ডুবোচরের সৃষ্টি হয়েছে। অপরিকল্পিত বালু উত্তোলন, নদীর গভীরতা হ্রাস এবং অনিয়ন্ত্রিত ড্রেজিংয়ের কারণে ইলিশ তার অভিবাসন পথ বদলে অন্য নদীর দিকে চলে যাচ্ছে।



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো
অনুষ্ঠিত হয়েছে। শনিবার (১৫ আগস্ট)....

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/pdma-meghnay-nabjtasngkt-5-bchhre-823-tn-kmechhe-ilisher-utpadn>